

9

VENERABILIBVS FRATRIBVS

PATRIARCHIS,
ARCHIEPISCOPIS,
ET EPISCOPIS

ECCLESIAE CATHOLICÆ.



PATRIARCHES
ARCHIEPISCOPUS
ET EPISCOPUS

VRBANVS

PAPA VIII.



ENERABILES fratres Salutem & Apostolicam benedictionem. Tonitrua ultionis omnipotentis exterrent Europam, et furentem discordiarum turbine concutiuntur fundamenta Orbis terrarum. Consurgunt Principes in-

dignantes de solijs suis, & nationes ardentes odio sistant sanguinem, et ad arma properant. Armata haereticis existimans abscondi non posse acceptarum cladum ignominiam nisi in templorum incendijs, non patitur in Germania conquiescere Religionem quamvis clarissimis victorijs triumphantem: quinimmo ostentans facies exitiales, et remota arcessens auxilia, tempestates saeuientis Oceani Romano Imperio minitatur. Belgium diuturnis bellis vexatum; ut intestina dissidia coercet, non potest propria viscera non laniare, eorumque populorum internecionem, quos vellet paterno patrocinio tueri, cogitur appellare victoriam. Hac regio pacis, et religionis arx Italia, quae exterarum provinciarum calamitates misericors spectatrix lamentabatur, fit hac tempestate campus seditionum, et ea bellorum incendia

incendia in Valtellina, finitimisque regionibus timet excitari, qua non nisi gentium sanguis, et principatum casus exstinguat. Periculum autem est, ne hac arrepta occasione pestiferum haresum virus latius se diffundat, et animorum sanitatem corrumpat contagione impietatis. Quocumque enim animo bellum inter Christianos Principes geratur, non potest tanta moderatione administrari, quin plerumque triumphos sceleriferat, et naufragia Religioni. Iam vero audaces illi hareticorum minitantium voces audiri sine lacrimis non possunt, qui impiam causam defendere se posse gloriantur framea Dei nostri, idest, potentia Principum Catholicorum. Neque solum hac existimanda sunt damna, quia regionibus vastitatem, et animis perniciem parant, sed quia beatissimos triumphos creduntur adimere hoc tempore Christianitati.

Hac tam vasta, et tam minax humanarum miserrimarum scena, quodnam lacrimantibus oculis Pontificia charitatis spectaculum praebeat, facile conijcere potestis Venerabiles fratres. Tamen neque animum despondemus, qui scimus, Dominum aliquando in tempestate, et turbine delitescere; neque inanibus querimonijs tempus ducimus, qui lamenta viribus destituta putamus haberi potius solatia pereuntium, quam periclitantium auxilia. Accenditur velut ignis zelus noster, et si noster sanguis fortiter fusus opportuna est medicina egrotanti Reipublicae, gaudentes in proprio damno salute filiorum, vitam ipsam pro Dei gloria deuouemus. Omnipot-

impotentem cordium scrutatorem testamur, Nos Caesarum triumphis anteferre eas Pontificum arumnas, qui digni habiti sunt pro nomine IESU contumeliam pati, et diuinum Pastorem imitantes animam suam posuerunt pro omnibus suis. Cum autem non videatur eiusmodi holocaustis hoc tempore delectari Pontifex sempiternus, ea consilia dies, noctesq; meditamus, quæ habeantur arma lucis ad profligandum patrem discordiarum. Armamus quidem Ecclesiasticas legiones, ne opus Dei facere negligenter arguamur: at enim eodem tempore nullum pratermittimus officium, quò possit conciliari concordia Regum, et leniri furor armorum. Tandem postquam accuratissimis precibus flagitauimus pacem numinis dissipantis gentes, quæ bella volunt, decreuimus id remedium adhibere, quod in consimili rerum discrimine non semel peperit incolumitatem Orbi Christiano. Ergo nuper approbante Apostolico Senatu declarauimus Ecclesie vniuersa Pastorem sollicitudinem Cardinalitatis legatione. Selegimus verò Franciscum Cardinalem Barberinum fratris nostri filium. Creditur Pontificia consanguinitas non leuem actori publica causa adiungere auctoritatem: porro autem allegantes eum, quem natura Nobis voluit esse charissimum, videmur luculentius paternum affectum testari generi humano. Numquam certè Nos ei gratissimum hoc terrarum tumultuantium negotium mandaremus, nisi exploratum Nobis foret, eam illi mentem inesse, ut gloriam

riam Dei, et populorum salutem existimet verum Ecclesiasticorum Principum thesaurum, ac triumphum. Nunc autem ille ad potentissimos Reges proficiscitur curaturus, ut exoptata Christiana Respublica concordia latifcet mœrentem Ecclesiam, et propugnacula communiat publica incolumitatis.

Timida sunt cogitationes hominum, et consilia mortalitatis non rarò ludibria existunt, nisi pater luminum cordibus nostris infundat spiritum sapientia, et fortitudinis. Quare Venerabiles fratres in partem sollicitudinum nostrarum vocati, congregate hoc tempore populos, et quasi tubæ exaltate vocem vestram. Currat Christiana plebs ad arma iustitiæ, muniatur sacco, et cilicio, quibus lorica salutis conficitur, et distringens gladium ancipitem orationibus constatum, profliget legiones Inferni, ut pœnitentium Niniuitarum gemitus imitata leniat iram Dei furore suo terras arguentis. Tùm autem eum orate, ut det verba sua in ore Apostolici legati, ne pax, quæ Christi in cælum redeuntis testamentum fuit, et hæreditas, a filiis discordiarum temerè dissipetur. Turris fortissima nomen Domini, ad hanc confugiant iussi, et fides, qua montes transferre, et maria potest perambulare, sentiet montes Syon esse in circuitu mystica Hierusalem, et Dominum potentem in prælio excubare in circuitu populi sui. Omnipotens Princeps pacis, qui arcum conteris, et confringis arma impiorum, in manu tua sunt corda dominantium, et sub te curvantur qui portant

*tant Orbem: Emitte è thesauris misericordis sempi-
terna spiritum charitatis, qui Christianorum Princi-
pum voluntates conciliet: effice ut fœderatis potentium
viribus, atque animis, in hac altissimâ terrarum spe-
cula canere quàm citissimè possimus classicum cœli, at-
que uti tanto armorum apparatu ad Regnum Dei pro-
pagandum plaudente concilio iustorum, et triumphante
fide orthodoxa. Iustissimi huius voti spem, & fiduciam
præbere potest Omnipotens fidelium precibus exoratus Ve-
nerabiles fratres, a quibus pium hoc solatiū expectamus,
vobisq; Apostolicam benedictionem peramanter impar-
timur. Datum Romæ apud Sanctum Petrum sub An-
nulo Piscatoris die xxv. Martij M. DC. XXV.
Pontificatus Nostri Anno Secundo.*



Ioannes Ciampolus.

ROMÆ, Ex Typographia Camerae Apostolicæ.
M. DC. XXV.

ROYAL BATHING MACHINE
MILC-224